



GOUVERNEMENT
DE LA POLYNÉSIE FRANÇAISE

APOORAA A TE MAU FAATERE HAU PARAU HAAPAPA

Mahana toru 28 no atete 2024

Ua putuputu te Faatereraa Hau i teie mahana toru nei. I rotopû i te mau puta parau i tuatapahia, ua haamanahia na puta parau i muri nei :

- PR -	2
• Te mau Tauturu i te Pû no te Faahoturaa i te mau Ôire (DDC)	2
- VP -	3
• Ôroà faahanahanaraa i te mahana “Wear it Purple Day” - LGBTQIA+	3
- MEF -	3
• Tataïraa i te faaotiraa APF no te 19 novembre 1998, e faature nei i te parau faaara i te hoani, i te pae no te maa na roto i te titeti tapirihia	3
• E vai noa a te moni hoo o te mori ârahu i te 1 tetepa 2024.....	4
- MEE -	4
• Tauturu moni, i te pae no te faaôhiparaa, i te hoê taatiraa, te hoê taò-tahiraa e te hoê âmui-tahiraa	4
- MSP -	5
• Parau faaara no te faatupuraa, e tae noa atu i te mau titauroa hinaarohia, no te rurura a âmui « Fare Hape 2024 »	5
- MJP -	5
• Tauturu moni i te mau taatiraa tuàro e rima ì	5



- PR -

Te mau Tauturu i te Pû no te Faahoturaa i te mau Ôire (DDC)

I roto i ta na arataïraa poritita no te tauturu e te paèpaè i te mau faahoturaa i roto i te mau ôire, ua faaoti te Faatereraa Hau e faataa 14 tauturu moni no te mau ôpuaraa rau no te haamaitaï i te mau paturaa e te haapautuutu hoï te mau tereraa òhipa i roto i te mau pû òhipa o na ôire too-vaù àti aè o Porinetia. Teie mau faufaa faataahia no te faahotu i to tatou mau motu, te haapâpû noa mai ra ia i te tautooraa tuutuu òre a te Faatereraa Hau o te Fenua no te pahono i te mau tiaïraa a te nunaa, ratou ihoa ra i te atea ê. Ìnaha, tei roto te reira i te mau faaotiraa matamua roa i ravehia, i roto i te putuputuraa i te âvaè fepuare 2024 ra, e te Pû no te Faahoturaa i te mau Ôire (DDC).

Te mau ôpuaraa i amohia no pae ia i te mau tuhaa òhipa rû e rave rahi

Te tuhaa tauturu i te nunaa : te mau ôire no Mahina, Fakarava e Punaauia o te fanaò i te mau tauihaa o te riro i te haamaitaï i te parururaa e te haamaitaïraa i te mau pû òhipa a te ôire. I roto i te reira, o te hooraa mai ia i te mau pereoo no te mau mutoï ôire, te mau pereoo piti huiraa (scooter) no te mau tupuraa òhipa rû, te mau pereoo taataahi uira no te haere i nià i te tahua òhiparaa, na reira atoà i te mau pereoo faataahia no te òhipa o te uira no te mau tuhaa ôire no Kauehi e Raraka. E riro teie mau fauraò i te tauturu i te mau mutoï e te mau piha òhipa a te ôire i te pahono i te mau hiaairaa o te nunaa na roto i te haafatata roaraa atu ia ratou.

Te mau paturaa : na roto i te paturaa i te tahi fare i te aroa Hunanui i Hakahau, te faaïte ra ia i te ineine o te Hau Fenua i te tauturu i te ôire o te henua Enana, na roto i te pûpûraa i te mau tauihaa òhipa i to na nunaa. Hau atu i te reira, te hooraa mai e te haamauraa e piti piha faatoètoèraa no te fare tamaaraa o te fare haapiïraa, te ìriti ra ia te reira i te ùputa nahonaho no te haaputuraa i te maa e te parau hoï no te èa i te pae no te ôpereraa maa, a ìtehia atu ai te maitaï atoàraa mai o te maa, e hau atoà atu te maitaïraa o te èa o te mau tamarii.

Te mau tauihaa òhipa : no te faarahi atu a te maitaï o te mau pû òhipa o te ôire no Raïvavae, e riro ia teie ôire i te fanaò i te mau tauihaa òhipa âpi, mai te pereoo taïpu nainaï, e te hoê pereoo pani nainaï (monitor). Te hooraa i te hoê matini vavahi papa no te ôire no Hao e pahono atu a ia te reira i te tapura òhipa rahi e ìtehia ra i nià i teie motu atea.

Te mau Ito âpi : te tamau noa ra te Faatereraa Hau o te Fenua i te faanaho i te mau òhipa no te mau Ito âpi, na roto i te faataaraa i te faufaa no te haamau i te mau âpaàpa haruharuraa i te Ito mahana i nià i te mau fare fatuhia e te ôire no Raïroa, e nià i te fare maehaa no Hereheretue e Hao, na reira atoà i te hooraa mai i te hoê pereoo e tere i te uira no te mau piha òhipa o te ôire no Teva I Uta. Teie mau arataïraa atoà te riro ra ia ei raveà faaitiraa mai i te mau haaviïvira i te reva e te haamaitaïraa i te huru no te Ito i roto i te tahi tau roa.

Te taatoàraa no te tuhaa moni e faaòhipahia no teie mau tereraa òhipa , tei nià ia i te faito e **80 673 348 F CFP**, e **46 024 008 F CFP** amohia e te Hau Fenua, e 57% no te moni taatoà. Teie tauturu moni, âpitihia mai e te puai o te mau ôire, te haere mai nei e faaitoito i te



faahoturaa o te fenua i roto i te tau roa e haapâpû atoà i te ôpere maiteraa i te faufaa àti àè to tatou fenua.

- VP -

Ôroà faahanahanaraa i te mahana “Wear it Purple Day” - LGBTQIA+

I te 30 atete 2024, te hinaarohia nei ia e faataa ei mahana faahanahanaraa i te Ôroà no te rauraa e te âmuiraa (te taatoà) na roto i te mahana “Wear it Purple Day” (I teie mahana, a àhu anaè i te vareàu) àti àè teie nei ao. Ma te òhipa âmui e o Karel Luciani, Faatere tuhaa o teie nei ao, no te Taatiraa “Lesbienne and Gay”, e faanahohia te tahi “Morning Tea”, i te Fare Potee no te Mono-Peretiteniraa, o te âmui te pupu LGBTQIA+, te mau tià faatere no te mau Pû a te Hau e te feia atoà e tautoo nei no te tiàraa mana LGBTQIA+.

Te titau atoà nei teie Ôroà e faaitoito i te mau faatereraa hau tatai-tahi i te paèpaè maitàraa i teie nei faanahoraa na roto i te àhuraa mai i te àhu vareàu, no te haapâpû i te turu a te Faatereraa Hau o te Fenua i teie parau no te rauraa e te âmui-hoêraa.

- MEF -

Tatairaa i te faaotiraa APF no te 19 novembre 1998, e faature nei i te parau faaara i te hoani, i te pae no te maa na roto i te titeti tapirihia

Te faaotiraa APF no te 19 novema 1998 e faature nei i te parau faaararaa i te hoani, i te pae no te maa na roto i te titeti tapirihia i nià i te puòhu maa, ua tataihia te reira na roto i te parau mana CM no te 22 fepuare 2024 ra, e haamatahia i te faaòhipa i roto i to na mau aratairaa âpi i te 1 tetepa 2024.

E te hoê no te mau faanahoraa faufaa i te tuuhia i roto i teie nei tatairaa, o te faaheporaa ia i te parau o te faaara maitàraa i te mau hoani i te parau no te faito tômea e vai ra i roto i te mau maa.

A taa noa atu ai e ua vai àè na teie mau faatureraa i Europa mai te 2011 mai e i roto i te tahi atu mau fenua tei tuàti noa te mau faatureraa, e rave rahi ra mau fatu fare toa i te fenua nei tei faaite mai i to ratou taupupu i roto i te tapiriraa i te mau titeti faaararaa i te faito tômea e vai ra i roto i te maa, tau hepetoma noa hou a faaòhipahia ai teie mau titauraa âpi.

E i mua i te mau aniraa rau a te mau taiete, ua manaòhia e tuu i te tahi faanahoraa âpi no te tatitetiraa i te parau no te faito tômea, ma te ìriti i te ùputa i te mau fatu fare toa ia faatae i ta ratou mau aniraa ma te haafatata atu i te Piha Faatere a te Hau, ia tià ia faaòhipa i te tahi atu tatitetiraa, ma te tapeà noa i taua fâ ra, oia hoì, te faaararaa hope i te mau hoani.



Te hinaaro atoàhia nei e faanuu i te faaòhiparaa i teie nei faatureraa i te 1 tenuare 2025.

E vai noa a te moni hoo o te mori ârahu i te 1 tetepa 2024

I mua i te tahi oraraa poritita fifi e te pâpû òre i te mau pae fenua Arapia e Iteraèra ma, te ìtehia nei ia te mau òre e te pâpû òre atoà no te moni hoo o te mori ârahu e tei faataupupû i te oraraa faufaa o te ao nei.

I Porinetia farani nei, mai te âvaè tiurai 2023 e tae mai i te âvaè tiurai 2024, te pene no te faitoraa i te moni hoo , ua maraa ia i te faito 1,3%. Âreà i te fenua Farani, ua maraa ia te moni hoo i nià i te faito 2,3% i te roaraa hoê matahiti, te tumu no te maraaraa te moni o te uira (+8,5%).

No reira, i mua i teie nei mau numera, ua faaoti te Apooraa Hau e tapeà noa i te moni hoo o te mori ârahu i nià i te faito o te hoo no teie taime, no te âvaè tetepa 2024.

- MEE -

Tauturu moni, i te pae no te faaòhiparaa, i te hoê taatiraa, te hoê taò-tahiraa e te hoê âmui-tahiraa

Na roto i te aniraa a te Faatere Hau no te Haapiiraa, no te Haapiiraa Teitei, e no te Hiroà Tumū, ua haamana te faatereraa Hau e faataa i te mau tauturu moni no te faaòhiparaa, i te hoê taatiraa, te hoê taò-tahiraa e te hoê âmui-tahiraa, i nià i te faito **11 799 988 F CFP**.

Mai teie i muri nei te ôpereraa no teie mau tauturu moni :

Associations	
Tauturu i te Taatiraa Faahoraraa puaa-horofenua e te faaitoitoraa i te faaàmū i te puaa-horo fenua i Porinetia farani nei no te faatupuraa i te mau tataùraa e te feia faahoro puaa-horo fenua o te àhu mai i te pareu i roto i te Heiva 2024	1 000 000
Tauturu i te Taò-tahiraa no te tuàro i roto i te mau fare haapiiraa e te tua-toru (CSSU)	3 105 000
Tauturu i te Âmui-tahiraa no te mau Piahi no Porinetia nei (FAEPF) no te paèpaè i ta na tereraa òhipa no teie matahiti 2024	7 694 988
ÂMUIHIA	11 799 988 F CFP



- MSP -

Parau faaara no te faatupuraa, e tae noa atu i te mau titauraa hinaarohia, no te rurura a âmui « Fare Hape 2024 »

Te faatupu nei te Faatereraa Hau no te Èa i te rururaa âmui Fare Hape 2024, mai te 30 atete e tae atu i te 1 tetepa, i roto i te faa no Papenoo i Fare Hape. E teie te tumu parau o tei tapeàhia mai “Haapii faahou e haamanaò âmui faahou tatou, i ta tatou huru arataïraa i te parau o te Èa”, o te âmui te mau âivanaa, te feia toroà i te pae no te Èa, te feia rave raau maòhi, e te mau tià no roto mai i te nunaa.

Te Fâ no teie rururaa, o te ìmiraa ia e te faanaho faahouraa i te tahi huru arataïraa i te parau no te Èa, ma te farii i te mau ìte i mauhia na e te mau tupuna i te pae no te tahi rapaauraa huru tano aè e e vai i roto i te tau (tau roa). E tomo atu te feia e âmui atu i roto i te tahi mau piha òhipa e feruriraa, te tahi mau faaiteïteraa e te tahi mau tauà-parauraa i nià i te raau maòhi, te arairaa e te faaâpiraa i te arataïraa o te Èa.

- MJP -

Tauturu moni i te mau taatiraa tuàro e rima ì

Na roto i te aniraa a te Faatere Hau no te tuàro, no te feia âpi, no te Arairaa i te mau òhipa ìino, e tiàau atoà i te Rima Ì, ua haamana te Faatereraa Hau e faataa i te mau tauturu moni i te pae no te faaòhiparaa, i te rahiraa no te mau taatiraa tuàro, taatiraa e âmui-tahiraa rima ì, i nià i te faito **10 298 650 F CFP**.

Mai teie i muri nei te ôpereraa no teie mau tauturu moni :

Taatiraa Tuàro - Tereraa òhipa rau	
Taatiraa Uì-âpi Teretetiano a te Etaretia Porotetani Maòhi	1 910 950
Taatiraa no te Faaineineraa i te mau arataï no te pae o te rautiraa e te tau faafaearaa (AFOCAL)	4 847 700
ÂMUIHIA	6 758 650 F CFP

Taatiraa e Âmui-tahiraa - Ôpuaraa taa ê
--



Taatiraa Te Raraa	Faatupuraa i te 16raa no te faaiteïteraa Te Raraa, mai te 19 fepuare e tae atu i te 3 mati 2024 i raro àè i te taupee no te Fare Apooraa Rahi no Porinetia	400 000
Taatiraa Ôhipa taa ê rave Rimahia	Faatupuraa i te faaiteïteraa no te Ôroà o te mau mama 2024 mai te 16 -19 me 2024 e te faaiteïteraa no Noera 2024 mai 20 - 24 titema 2024 i te Hotera Hilton no Tahiti Faaa	600 000
Nakuhei	Tere i te fenua Tapone no te hoê pupu 15 feia rima i roto i te rururaa rahi Tahiti Festa mai te 3 - 6 me 2024	1 500 000
Âmui-tahiraa Vaïne rima i no Rurutu Tu Noa	Faatupuraa i te 4raa no te faaiteïteraa rima i no Rururaa mai te 22 - 5 me 2024 i raro àè i te taupee no te Fare Apooraa Rahi no Porinetia	1 040 000
ÂMUIHIA		3 540 000 F CFP

SERVICE DE LA COMMUNICATION
